



UKA/EM 2015/43

Justus Hansen

22. oktober 2015

Ukiut qulit 20-illu akornani nuna tamakkerlugu sanaartugassanik pilersarusiortoqar-nissaanik, minnerpaamik kommuuninut agguataarneqartunik aammalu kommunit suleqatigalugit pilersaarutinik ingerlanneqartussanik Naalakkersuisut peqquneqarnis-saanik Inatsisartuni aalajangiiffigisassatut siunnersuut. Sanaartukkanik pilersaarutit Namminersornerullutik Oqartussat aammalu kommuunit sanaartornermik suliassaanik imaqartinneqassapput, tamatumani piviusumik tulleriissaarinissat pilersarusiornissallu kommuunini kiisalu sanaartugassanik suliassinneqartunit ingerlanneqarsinnaalersillugit aammalu suliassaasinnaasunillu kommuunini ingerlanneqartussatut pilersaarutit inissisorneqarsinnaalersillugit.

(Inatsisartunut ilaasortaq Agathe Fontain, Inuit Ataqatigiit)

(Siullermeernera)

Demokraatini isumaqataavugut nuna tamakkerlugu sanaartugassanut pilersarusiortoqartariaqaraluart, qularaarpulli piviusorsiusanersoq ukiut 10-20-t siumut pilersarusiortarnissaq, soorlu siunnersuummi angorusunneqartutut.

Siunissami nuna tamakkerlugu sanaartugassanut pilersarusiassami eqqarsaatigineqassaaq nuna tamakkerlugu ineriartorneq aammali peqataanik eqqarsaatigineqartariaqarpoq sanaartornissaq sumiiffinni uppersarneqarsinnaasumik ineriartornissamut periarfissaqartuni.

Pilersaarut ineriartortinneqartariaqarpoq kommunit inuussutissarsiortullu suleqatigalugit qularnaarumallugu illuatungeriit tamarmik isummersueqataanissaaq, sanaartornermut pilersaarut sapinngisamik piviusorsiornerpaajutikkumallugu.



Demokraatini tamanna tunngavigalugu iluarisimaarparput, Naalackersuisut maannagaaq sanaatornermut immikkoortunut pilersaarutit ineriartortillugit aallartereersimammatigit. Taamaattumik siunnersuummut matumunnga Naalackersuisut allanguutissatut siunnersuutaat ilalerparput.

Siunnersuut Sanaatornermut Ataatsimiititaliamut suliassanngorlugu innersuupparput.